

Kantonalno javno komunalno preduzeće
„GRADSKI SAOBRAĆAJ“ d.o.o. Sarajevo
ul. Srđana Aleksića br 1, 71000 Sarajevo

UPAVA PRERDUZEĆA

Broj: 04/52
Datum: 15-02-2024

Na osnovu člana 64. stav (1) tačka b) člana 69. stav (1) tačka a), člana 70. stav (1) i (3) i (6) Zakona o javnim nabavkama BiH („Službeni glasnik BiH“ broj 39/14 i 59/22), člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo i Zaključka Uprave preduzeća o prihvatanju Preporuke o izboru najpovoljnijeg ponuđača broj: 04/48 od 12.02. 2024. godine, nakon provedenog Otvorenog postupka javne nabavke radova; „Izvođenja radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“, sa namjerom provođenja postupka nadmetanja ponuđača putem „e-aukcije“, objavljenog na Portalu javnih nabavki (Obavještenje o javnoj nabavci broj: 257-1-3-208-3-255/23, od 29.12. 2023. godine i Ispravka obavještenja o nabavci broj: 257-1-3-208-1/24, od 05.01. 2024. godine) i „Službenom glasniku BiH“ broj 3/24, od 12.01. 2024. godine, na prijedlog Komisije za javnu nabavku, iskazan u Zapisniku o pregledu i ocijeni ponuda broj: 1334/2 od 08.02. 2024. godine i Preporuku Komisije za javne nabavke br.1334 od 08.02. 2024. godine, **Uprava preduzeća donijela je:**

ODLUKU

o izboru najpovoljnijeg ponuđača za javnu nabavku radova:
„Izvođenja radova na izradi i ugradnji dvokrilnih kliznih vrata, na motorni pogon,
na objektima hala za održavanje tramvaja“

Član 1.

Prihvata se Preporuka Komisije za javne nabavke broj: 1334 od 08.02. 2024. godine i Ugovor o izvođenju radova: „Izvođenje radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“ dodjeljuje se ponuđaču „MEGA – ROLL“ D.O.O. GRAČANICA, Polje bb., Miričina, 75329 GRAČANICA, na osnovu ocijenjene najpovoljnije ponude broj: 1147/24, zaprimljena na protokol ugovornog organa dana 05.02. 2024 godine, prispjele na javno nadmetanje u otvorenom postupku javne nabavke radova; „Izvođenja radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“, sa namjerom provođenja postupka nadmetanja ponuđača putem „e-aukcije“, sa iskazanim elementima kako slijedi:

- (1) Cijena ponude: bez uračunatog PDV-a; 80.000,00 KM,
- (2) Cijena ponuda: sa uračunatim PDV-om; 93.600,00 KM,
- (3) Plaćanje: 15 dana od dana dostave privremene ili okončane situacije,
- (4) Rok izvođenja radova: 45 (četrdesetpet) kalendarskih dana, računajući od dana obostranog zaključivanja ugovora,
- (5) Garantni rok izvedenih radova: 24 (dvadesetčetiri) mjeseca računajući od dana primopredaje radova.

Član 2.

Ponuda ponuđača „MEGA – ROLL“ D.O.O. GRAČANICA broj: 1147/24, 05.02. 2024 godine, pobliže opisana u članu 1. ove Odluke, proglašava se povoljnom i prihvatljivom, u skladu s kriterijem za dodjelu ugovora „najniža cijena“ prihvatljive ponude.

Član 3.

S odabranim ponuđačem „MEGA ROLL“ D.O.O. GRAČANICA, po konačnosti ove Odluke i ispunjavanju preduslova zaključit će Ugovor o nabavci predmetnih radova, pobliže opisanih u članu 1. ove Odluke, u skladu sa članom 98. Zakona o javnim nabavkama, predmetnom tenderskom dokumentacijom i podzakonskim aktima, kojim će se regulisati međusobna prava i obaveze.

Član 4.

Izabrani ponuđač dužan je u roku od 7 (pet) dana, računajući od dana prijema ove Odluke, Ugovornom organu dostaviti tražene dokaze o ispunjavanju uslova kvalifikacije ponuđača, pobliže opisane u tačkama 7.1.2., podtačke od a) do d) predmetne tenderske dokumentacije (dokazi o ispunjavanju uslova Lične sposobnosti ponuđača).

Član 5.

Sastavni dio ove odluke čini Zapisnik Komisije za javne nabavke o pregledu i ocijeni ponuda broj: 1334/2 od 08.02. 2024. godine.

Član 6.

Ova Odluka objavit će se na web stranici Ugovornog organa (www.gras.ba), istovremeno s upućivanjem iste ponuđačima koji su učestvovali u predmetnom postupku javne nabavke, u skladu sa članom 70. stav (6) Zakona o javnim nabavkama.

Član 7.

Ova Odluka stupa na snagu danom donošenja i dostavlja se ponuđaču koji je učestvovao u predmetnom postupku javne nabavke u skladu sa članom 71. stav (2) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je, u skladu sa odredbama Zakona o javnim nabavkama BiH („Službeni glasnik BiH“ broj 39/14 i 59/22), Odlukom o pokretanju postupka javne nabavke broj: 04/598, od 27.10. 2023 godine, pokrenuo Otvoreni postupak javne nabavke radova - „Izvođenja radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“, objavljen na portalu javnih nabavki, Obavještenje o javnoj nabavci broj: 257-1-3-208-3-255/23, od 29.12. 2023. godine i Ispravka Obavještenja o nabavci broj: 257-1-3-208-1/24, od 05.01. 2024. godine, i sažetak Obavještenja u „Službeni glasnik BiH“ broj 3/24 od 12.01. 2024. godine.

Procijenjena i planirana vrijednost predmetne nabavke, bez uračunatog PDV-a, iznosi: 80. 000 KM.

Prije pokretanja postupka javne nabavke, u skladu sa članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, te upućeni e-mail zahtjevi za dostavljanje informativne ponude. Dokazi o istraživanju tržišta sadržani su u spisu predmetne nabavke.

Komisija za javnu nabavku (u daljem tekstu Komisija) imenovana je Odlukom V.D. Generalnog direktora broj: 05/40, od 02.02. 2024. godine.

Na protokol Ugovornog organa, u ostavljenom roku za dostavljanje ponuda, blagovremeno je prispjela samo jedna ponuda – ponuda ponuđača „MEGA – ROLL“ D.O.O. GRAČANICA, sa sjedištem u Gračanici, Polje bb., Miričina, zaprimljena na protokol preduzeća pod brojem 1147/24, dana 05.02. 2024. godine, u 9, 35 sati.

U određenom roku za otvaranje ponuda, Komisija je zasjedala je dana 05.02. 2024. godine, te blagovremeno i pravilno izvršila javno otvaranje dostavljenih ponuda i sačinila Zapisnik sa otvaranja ponuda, koji je elektronskom poštom blagovremeno dostavljen ponuđaču, učesniku u postupku predmetne nabavke, koji je jedini dostavio ponudu na predmetno javno nadmetanje.

Nakon javnog otvaranja Komisija je izvršila pregled prispjele ponude i ocijenu dostavljenih dokumenata – dokaza o ispunjavanju uslova kvalifikacija ponuđača, o čemu je sačinila Zapisnik o pregledu i ocjeni ponuda.

Iz sadržaja zapisnika Komisije o pregledu i ocijeni ponuda broj 1334/2 od 08.02. 2024. godine, u predmetu javne nabavke radova – „Izvođenje radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“ slijedi:

- 1) da je na protokol Ugovornog organa blagovremeno pristigla **1 (jedna) ponuda - ponuda ponuđača „MEGA – ROLL“ D.O.O. GRAČANICA,**
- 2) da nije bilo neblagovremeno zaprimljenih ponuda,
- 3) da je uvidom u Izvještaj o preuzimanju TD od strane ponuđača, preuzet sa portala JN, utvrđeno da je **TD ukupno preuzelo 15 (petnaest) potencijalnih ponuđača,**
- 4) da je uvidom u Izvještaj o pitanjima i odgovorima u vezi sa TD, preuzet sa portala JN, utvrđeno da **nije bilo iskazanih pitanja ponuđača u vezi sa TD,**
- 5) da tokom pregleda i ocijene ponuda **nije primijenjen institut pojašnjenja** u skladu sa članom 68. stav (3) Zakona,
- 6) da u dostavljenoj ponudi **nije bilo uočenih ispravki,**
- 7) da je analizom traženih i dostavljenih dokumenata – dokaza o ispunjavanju kvalifikacionih uslova ponuđača utvrđeno kako **ne postoje razlozi za isključenje ponuđača – učesnika u predmetnom postupku nabavke,**
- 8) da je dostavljena **ponuda prihvatljiva prema obliku sadržaju i potpunosti,**
- 9) da je dostavljena **ponuda prihvatljiva u smislu ispunjenja zahtjeva u pogledu opisa predmeta nabavke i tehničke specifikacije,**
- 10) da **nije bilo uočenih računskih grešaka u ponudi,**
- 11) da nema ponuđača čije ponude se odbijaju na osnovu rezultata pregleda i ocjene ponuda,
- 12) da **nema razloga za odbijanje prispjele ponude zbog neprirodno niske cijene,**
- 13) da je, shodno kriteriju za izbor ponude u predmetnom postupku nabavke „najniža cijena“, u pristigloj ponudi ponuđača „MEGA – ROLL“ D.O.O. GRAČANICA **iskazana cijene izvođenja predmetnih radova, bez uračunatog PDV-a, u iznosu od 80.000,00 KM,**
- 14) da je, imajući u vidu da je na predmetno nadmetanje pristigla samo jedna prihvatljiva ponuda, **Komisija konstatovala da se, shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), neće zakazati i provesti planirani postupak nadmetanja putem „e-aukcije“,**
- 15) da **Komisija, obzirom da nije proveden planirani postupak nadmetanja ponuđača putem „e-aukcije“, predlaže Upravi preduzeća donošenje Odluke o izboru ponude ponuđača „MEGA – ROLL“ D.O.O. GRAČANICA kao povoljne i prihvatljive.**

Postupajući u smislu odredaba člana 44. i 65. Zakona o javnim nabavkama BiH ("Službeni glasnik BiH", broj: 39/14 i 59/22), člana 16. i 18. Uputstva za pripremu modela tenderske dokumentacije i ponuda ("Službeni glasnik BiH", broj: 90/14 i 20/15) i člana 5. i 8. Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), komisija je sačinila i Upravi preduzeća dala Preporuku broj 1334 od 08.02. 2024. godine, da:

- „KJKP „Gradski saobraćaj“ d.o.o. Sarajevo, kao Ugovorni organ, primjenom člana 64. stav (1) tačka b) u skladu s članom 70. Zakona o javnim nabavkama, u Otvorenom postupku nabavke, Obavještenje o nabavci broj 257-1-3-208-3-255/23, od 29.12. 2023. godine i Ispravka obavještenja o nabavci broj: 257-1-3-208-1/24, od 05.01. 2024. godine, za nabavku radova: „Izvođenje radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“, donese Odluku o izboru povoljne ponude ponuđača „MEGA-ROLL“ D.O.O. GRAČANICA sa sjedištem u Gračanici, Polje bb., Miričina, broj ponude/koverta 1147/24, od 05.02. 2024. godine.
- se Ugovor za javnu nabavku: „Izvođenje radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“ dodijeli ponuđaču „MEGA – ROLL“ d.o.o. GRAČANICA, sa sjedištem u Gračanici, Polje bb., Miričina, čija ponudu br. 1147/24, od 05.02. 2024. Godine, komisija cijeni povoljnom i prihvatljivom, iskazanom kako slijedi:
 - Ponuđena cijena bez uračunatog PDV-a; 80.000,00 KM,
 - Ponuđena cijena sa uračunatim PDV-om; 93.600,00 KM,
 - Način plaćanja; 15 dana od dana dostave privremene ili okončane situacije
 - Kvalitet: U skladu sa zahtjevima iz tenderske dokumentacije
 - Rok izvođenja radova: 45 (četrdesetpet) kalendarskih dana računajući od dana obostranog zaključivanja ugovora
 - Garantni rok: 24 (dvadesetčetiri) mjeseca računajući od dana primopredaje radova.

Uprava preduzeća, na sjednici održanoj dana 12.02. 2024. Godine, donijela je Zaključak br. 04/48, o izboru najpovoljnijeg ponuđača za nabavku radova: „Izvođenje radova na izradi i ugradnji dvokrilnih kliznih vrata, na motorni pogon“ kojim se prihvata Preporuka komisije za javne nabavke br. 1334, od 08.02. 2024. godine, prethodno pobliže opisana.

Cijeneći prethodne navode utvrđeno je kako je:

- Komisija za javnu nabavku blagovremeno i pravilno izvršila otvaranje ponuda i ocijenu prispijelih ponuda, o čemu je sačinila valjan Zapisnik,
- Komisija u svom radu u potpunosti poštivala Zakon o javnim nabavkama BiH i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji.

Izabrani ponuđač pravilno ocijenjen na osnovu kriterija:

- Najniža cijena, odnosno na osnovu kriterija utvrđenih u obavještenju o nabavci i tenderskoj dokumentaciji, kako slijedi:

	Naziv / Ime ponuđača	Kriterij – Najniža cijena KM bez PDV-a
1.	„MEGA – ROLL“ d.o.o. GRAČANICA, Polje bb., Miričina, 75329 GRAČANICA	80.000,00 KM

Uvažavajući preporuku Komisije za javnu nabavku, prema utvrđenom kriteriju „Najniža cijena“ ocijenjeno je da se u Otvorenom postupku za javnu nabavku radova: „Izvođenje radova na izradi i ugradnji dvokrilnih kliznih vrata, na motorni pogon, na objektima hala za održavanje tramvaja“, prispjela ponuda ponuđača „MEGA – ROLL“ D.O.O. GRAČANICA, sa sjedištem u Gračanici, Polje bb., Miričina, može izabrati/prihvatiti kao povoljna i prihvatljiva ponuda.


Iz navedenih razloga, primjenom člana 64. stav (1) tačka b) Najniža cijena Zakona o javnim nabavkama BiH, („Službeni glasnik BiH“ broj 39/14 i 59/22), valjalo je postupiti u smislu odredaba te člana 70. stav (1) i (3) i (6) Zakona o javnim nabavkama BiH, člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo i Zaključka Uprave preduzeća o prihvatanju Preporuke o izboru najpovoljnijeg ponuđača broj: 04/48 od 12.02. 2024. godine i odlučiti kao u dispozitivu ove Odluke.

POUKA O PRAVNOM LIJEKU

U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
Predsjedavajući Uprave preduzeća
V.d. Generalni direktor
Mr. Senad Mujagić



Dostaviti:

1. „MEGA – ROLL“ d.o.o. GRAČANICA, Polje bb., Miričina, 75329 GRAČANICA
2. UPRAVA PREDUZEĆA
3. Odjeljenje javnih nabavki (u spis)
4. Odjeljenje javnih nabavki
5. Interna revizija
6. Arhiva